

Innuttaasut qaraasaasiakkut toqqaannartumik kigutilerisumut piffissamik inniminniisalnissaannut periutsimik ineriartortitseqqullugit pilersitseqqullugillu Naalackersuisut peqquneqarnissaanik Inatsisartut aalajangiiffigisassaattut siunnersuut.
(Inatsisartunut ilaasortaq Justus Hansen, Demokraatit)

Akissuteqaat

(Peqqissutsimut Nunanilu Avannarlerni Suleqatigiinnermut Naalackersuisoq)

Siullermeerneqarnera

Innuttaasut kigutit nakorsaannut qarasaasiakkut piffissamik inniminniisalnissaannut periutsimik ineriartortitsisoqarnissaanik pilersitsisoqarnissaanillu siunnersuummut Naalackersuisut qujapput. Siunnersuummi ilaatigut allaatigineqarpoq ullumikkut piffissamik inniminniisarneq qangatootumik ingerlasartooq innuttaasullu ullaakkut tullerriaartarunnaarniassammata qarasaasiakkut kigutit nakorsaannut inniminniisalnissaannut periutsimik ineriartortitsinissaq pilersitsinissarlu ajornanngittariaqartoq.

Kigulluut caries akiorniarlugu periusissani siunniussat naapertorlugit meeqqat kigutaannik isumaginninnermi pitsaaliuineq nakorsaanerlu pingaarnepaatinneqarpoq. Kigutileriffiit meeqqat aggersarnissaat siulliunneqarnissaallu pingaarnepaatut siunniussaammat qarasaasiakkut piffissamik inniminniisarneq atuutilissasoq aalajangiunneqaraluarpat tamanna inersimasunuinnaq taamaallaat periarfissaatinneqassagalarpoq. Naalackersuisut ilisimavaat inersimasut kigutileritinnissamut annertunerujartortumik pisariaqartitsisut. Ullumikkulli kigutileriffinni isumaginninnermi sullissinermilu pisariaqartitsineq naapertorlugu sullissisinnaaneq killeqarpoq. Inatsimmi aalajangersarneqarpoq innuttaasut kigutimikkut pinartumik anniaateqartut nakorsarneqarnissamut periarfissaqartuarlutillu pisinnaatitaaffeqartuassasut. Taamaattumik ulluinnarni sulinermi tamanna pingaartinneqartuarpoq.

Ilisimatitsissutitut oqaatigineqarsinnaavoq Peqqissutsimut Pitsaaliuinernullu Aqutsisoqarfiup Nuummi Kigutileriffimmi oqarasuaatikkut piffissamik inniminniisalnissamik misiliummik atuutitsilernissamut pilersaarutit naammassingajalermata. Misiliutitut ingerlanneqassaaq atornerqarsinnaasorlu paasineqarpat periuseq sinerissamut siammarsarneqassaaq. Tamatuma saniatigut peqqinnissaqarfiup napparsimasut pillugit nalunaarsuisarfik, COSMIC, atulerpaa kigutileriffinnullu tunngatillugu digitalimik tarrarsuisarneq sukkanerusumik nappaammik suussusersinissamut kigutinillu nakorsaanissamut periarfissiisoq atulernerqarluni.

Qarasaasiakkut piffissamik inniminniisalnissamut periutsimik nutaamik pilersitsisoqassappat pitsaarnepaassaaq napparsimasut pillugit nalunaarsuisarfinnut, COSMIC-imut, taputartuutaappat. Tassunga atatillugu imminut kiffartuunnermut atortorissaarut ineriartortinneqarnera ingerlanneqarpoq, ilaatigut piffissamik inniminniisalnissamut periarfissiisinnalluni, massakkuugallartumilli qanoq akeqarnissaa

oqaatigineqarsinnaangilaq. Maannakkut kigutitut isumaginninissamut aningaasartaliissutigineqartut aallaavigalugit ineriartortitsineq allat sullissinikkut annikillisaaffiginngikkaanni aningaasartassaqartinneqanngilaq.

Kigutileriffinni inersimasunik isumaginninnermi sullissinissamut isumallutit killeqarmata Naalackersuisut isumaqarput taamatut allaffissornikkut ingerlatsinermilu periutsumik akisuumik atuutilersitsinissaq naleqqutinngitsoq. Kigutileriffinni ulluinnarni suliut pingaarnersiornissaannut periarfissat annikillissammata innuttaasut kigutileriffinni sullinneqarnerat ajornerulernissaannik kinguneqaratarsinnaavoq.

Aningaasaqarnikkulli politikkikkullu pingaarnersiunerit tunngavigalugit innuttaasunik pitsaanerpaamik sullissinissap anguniarneqartariaqarneranut tunngatillugu Naalackersuisut siunnersuuteqartoq isumaqatigaat. Tamanna tunuliaqutaralugu Naalackersuisullu oqaaseqaataat tunngavigalugu Naalackersuisut ima allannguutissatut siunnersuuteqarput:

Naalackersuisut peqquneqassapput Nuummi Kigutileriffimmi oqarasuaatikkut piffissamik inniminniisarnissamik misiliutaasussamik naliliissasut taannalu periutsum sinerissamut siammarneqarnissaata naleqqunneranut nalilersuinissamut atorineqassasoq. Tamatumunnga atatillugu elektronikkikkut piffissamik inniminniisarneq periarfissatut allatut naleqqunnersoq nalilerneqassaaq.